

জনসংযোগ অফিস
জাহাঙ্গীরনগর বিশ্ববিদ্যালয়
সভার, ঢাকা, বাংলাদেশ
ফোন: ৭৭৯১০৪৫-৫১



Public Relations Office
Jahangirnagar University
Savar Dhaka Bangladesh
Phone: +88027791045-51

প্রেস বিজ্ঞপ্তি

জাহাঙ্গীরনগর বিশ্ববিদ্যালয়

চারদিন ব্যাপী 'মুক্তিসংগ্রাম সাংস্কৃতিক উৎসব' শুরু

জাহাঙ্গীরনগর বিশ্ববিদ্যালয়, ২৫ মার্চ ২০১৮।

জাহাঙ্গীরনগর বিশ্ববিদ্যালয়ের ছাত্র-শিক্ষক কেন্দ্রের আয়োজনে চারদিন ব্যাপী 'মুক্তিসংগ্রাম সাংস্কৃতিক উৎসব' শুরু হয়েছে। আজ সকাল দশটায় ছাত্র-শিক্ষক কেন্দ্রের প্রাঙ্গণে মুক্তিযুদ্ধের চিত্রকর্ম প্রদর্শনী উদ্বোধন করেন উপাচার্য অধ্যাপক ড. ফারজানা ইসলাম। 'মুক্তির আলোয় আলোকিত করি ভুবন' শিরোনামে এ সাংস্কৃতিক উৎসবে আজ বেলা আড়াইটায় বিশ্ববিদ্যালয়ে দুই কিলোমিটার দীর্ঘ মুক্তি সংগ্রামের আলপনা আঁকা হবে। সন্ধ্যায় সেলিম আল দীন মুক্তমঞ্চে মুক্তিযুদ্ধে অংশগ্রহণকারী সেক্টর কমান্ডার ও বীর মুক্তিযোদ্ধাদের সম্মাননা প্রদান এবং নাটক মঞ্চায়িত হবে।

২৬ মার্চ সকাল সাড়ে সাতটায় কেন্দ্রীয় খেলার মাঠে জমায়েত, মানব পতাকা তৈরি, আটটা এক মিনিটে সমবেত কণ্ঠে জাতীয় সঙ্গীত পরিবেশন করা হবে। ২৬ মার্চ সন্ধ্যায় সেলিম আল দীন মুক্তমঞ্চে মুক্তিযুদ্ধে অংশগ্রহণকারী শিল্পীদের সম্মাননা স্মারক প্রদান, আবৃত্তি এবং জাহাঙ্গীরনগর সাংস্কৃতিক জোটের পরিবেশনায় সাংস্কৃতিক অনুষ্ঠান পরিবেশন করা হবে। ২৭ মার্চ সন্ধ্যায় সেলিম আল দীন মুক্তমঞ্চে সম্মাননা প্রদান এবং সাংস্কৃতিক অনুষ্ঠান, ২৮ মার্চ সন্ধ্যায় সেলিম আল দীন মুক্তমঞ্চে সম্মাননা প্রদান এবং মোহাম্মদ শোয়েব সঙ্গীত পরিবেশন করবেন।

পরিচালক
জনসংযোগ অফিস